

HEIM



stordnytt.no

Vervagudsteneste i strålende sol

Nyhende — 27 august 2017



Presten kjem til kai saman med Hildegunn Heimro.

Vel 100 fann vegen til Jensaneset søndag foremiddag for å vera med på den tradisjonelle Vervagudstenesta, som blei skipa til for 23. gong.

Etter gråvêret i går blei kyrkjefolket i Sagvåg rikt velsigna av vêrgudane då dei bad inn til gudsteneste på Jensaneset.

I sol og stille kom presten Jørgen Knudsen glidane inn til kai etter å ha blitt rodd frå Sagvåg av Hildegunn Heimro.



Klokkar Rune Jørgensen ringjer inn til gudsteneste.

Klokkar Rune Jørgensen tok imot presten på kaien og ringde inn til gudsteneste på skipsklokka. Den same Jørgensen kunne gle seg over at presten hadde med seg tenestebrev frå prost Svein Arne Theodorsen, som han las opp for kyrkjelyden.

Prest Jørgen Knudsen takka kantor Bjarte Aadland for val av sommarsalmen der første verset sluttar slik: –

Omsider blir det sommer! Det kunne ikkje høvd betre!

I talen sin tok presten utgangspunkt i det den historiske ramma rundt den tradisjonsrike Vervagudstenesta. – Vervadagane får oss til å stopp opp, sa han. Samstundes minte han om at det i år er 500 år sidan Martin Luther starta reformasjonen, og ikkje berre danna ei ny kyrkje, men var med og forandra verda.

Tradisjonen tru fekk salmesongen tonefølgje av ein messingkvartett med utgangspunkt i Sagvåg musikklag. Dei har vore med nesten kvar gong under desse gudstenestene, og hausta stor og velfortent takk frå klokkar Rune Jørgensen.

Etter gudstenesta blei det kyrkjekaffi med lappar, og ikkje minst ein god drøs.



Omsider blir det sommer! Ingen salmetekst kunne ikkje høvd betre på Jensaneset i dag.

KORT SAGT

Ha allsongrøysta klar til våren



– Dette var kjekt, dette må blir årleg, vart det sagt etter det særst vellukka allsongtreffet i Parken i juni. Her og no kan det slåast fast at ønskje om meir allsong i den flotte parken på toppen av Leirvik, bli oppfylt når det lid til mai og god vår i lufta. Leirvik mannskor er alt byrja planlegginga og det blir eit dugnadsprosjekt på alle plan – med overskot til gode lokale føremål. Det er berre å gleda seg.

Forskar på brunsniglebruk



Aldona Petkeviciene på Os plukkar og tek imot det ho kan få av brunsniglar for tida, skriv BT.no. Ho hadde mengder av sniglane i eigen hage og byrja etter kvart lura på om dei kunne koma til nytte på noko som helst vis. Nærare studie viser at sniglekjøtet innhald stoff som kan gjerast om til næringsrikt dyrefor. Dette skal det no forskast meir på. Til første forsøk trengst det 150 kilo sniglar ...

Avdukar Blåstål

A.B.C.D. (art.beach.creation.debris.) er eit kunstnarisk initiativ som ser på korleis plast ureinar vårt maritime miljø. Kunstnarane Elizabeth Roberts frå Oregon, USA, Janne Robberstad og Jan Willy Folgerø-Holm frå Bømlo, Norge – samarbeider med Bømlo kunstlag og kunstgeriljaen i dette prosjektet. Skuleklassar og lokallag har vore i sving med å rydda strender for bos i vår og sommar. Eindel av den innsamla platen er vaska og sortert og er brukt som råmateriale i ein stor installasjon – nemleg ein bortimot 3 meter lang blåstål! Avduking i kveld tysdag 29. august i Autogården på Rubbestadneset, tipsar Bømlo Kunstlag.

Mot direktørskifte i SKL

Magne Heimvik sluttar som adm direktør i SKL. Heimvik vart 62 år i april i år, og har etter arbeidsavtalen nådd pensjonsalder. Styret vart informert i dagens møte og startar no arbeidet med å tilsetja ny direktør. Målsetjinga er at ny direktør er på plass 1. januar 2018.

LEGG TIL ARRANGEMENT +



Tys 29 A
Treffpu
ARRANGØF
Kreftfore



Tor 31 A
Somm:
Stord folk
ARRANGØF
Stord fol



Tor 31 A
Inspira:
Stord folk
ARRANGØF
Stord fol

[Sjå fleire lokale arrangement](#)

ANDRE NYHENDE



Godt første halvår for Sunnhordland Kraftlag
august 29, 2017



Sildakongen og rikt program på Kanaldagane
august 28, 2017



Ønsker meir tilpassa skyss med Skyss
august 27, 2017



Rådmanns-nei til einvegskøyning i Borggata
august 25, 2017



Linda Eide med strålande gjester!
august 25, 2017



LESARBREV: Stopp store klassar
august 24, 2017



Rikshaldig haustprogram på viseklubben
august 22, 2017



Vil «ta ut» fleire hjortar frå aukande stamme
august 22, 2017



Auke i bilfrakta med Kvinnheradsambandet
august 28, 2017



Fotballfest på Vikahaugane
august 27, 2017



Viktigast med levande kystkultur
august 26, 2017



Både klassisk og «flygeljass» innviar det nye flygelet
august 25, 2017



29 nye lærlingar på plass i Kværner
august 24, 2017



Vervagudsteneste på Jensaneset
august 23, 2017



Nye lærlingar Stord kommune
august 22, 2017

Magne Heimvik har lang fartstid i SKL. Han kom til selskapet i 1985, og i 1997 tok han over som adm direktør. Han seier SKL har vore ein særdeles spennande og interessant arbeidsplass i ei tid der både samfunnet og rammevilkåra for kraftselskapa har vore i stadig endring. Sett i lys av at dei vedtekte strukturelle endringane i SKL no er gjennomført – og eigen alder – meiner han tidspunktet for å fråtre stillinga no frå årsskiftet er det beste, går det fram av meldinga frå SKL måndag..

«Kom deg ut» til Skjephaugen



Barnas Turlag og Stord-Fitjar Turlag inviterer til den årlege «kom deg ut-dagen» ved Gapahuken/Friluftsambassaden i Skjephaugen komande søndag 3. september (kl 12.00). Det blir tradisjonen tru høve til padletur på Skjephaugsvatnet, turtipp og natursti. Og det blir naturlegvis servering av pølser, saft og kaffi. – Velkomen til verdas største leikeland, annonserer tilskiparane.

Innviar nybygg

Medlemene i Komite for oppvekst og utdanning er i morgon inviterte til innviing av nybygg ved Skogatufto Barnehage. I tillegg til nytt bygg har barnehagen på toppen av Kjøtteinsbakken siste året vore gjennom ei solid oppgradering.

68 kontrollerte

Politidistriktet gjennomførte søndag ettermiddag promillekontroll ved Spissøysundet. 68 bilførarar måtte «blåsa i røyret». Ingen utslag – og slik skal det jo vera.

Heidra for lang og tru teneste.



(Foto: Kurt Grundvold)

Under ei samkome for tilsette ved Sunnhordland Trafikkopplæring AS nyleg, blei Reidun Åsvang og Per Ove Sercan Husevik tildelt «Norges Vels Medalje» for lang og tru teneste. Begge har i over 30 år stått på for Sunnhordland Trafikkopplæring, til beste for kundar, tilsette og bedrifta.

Poengdeling i Førde

Også i bortekampen mot Førde laurdag, tok Stord leiinga. Denne gong ved Jan Arne Vassnes som sette inn ein

(0) READERS COMMENTS

Comments are closed.

straffe i det 21. minutt. I 63. minutt scora heimelaget og det vart poengdeling. Med 19 poeng «datt» Stord ein plass ned på tabellen og ligg no på 11.plass (under streken). Komande helg er Herd motstandar.

Køyr heim

Frå politiloggen søndag morgon: Kl. 0040, Leirvik: Rusa mann i 20-åra meld for ikkje å etterkome pålegg. Var tidlegare på kvelden lite samarbeidsvillig overfor patruljen. Blei køyr heim.

ARKIV

Arkiv Vel månad

STORDNYTT.NO

Journalist:

Steinar Hystad
steinar@stordnytt.no
950 31 154

KONTAKT OSS

Om du har tips til redaksjonen eller om du ynskjer å annonsera, ta kontakt med oss på ein av desse e-post-adressene:

nettnytt@stordnytt.no

annonser@stordnytt.no

